

Na osnovu članka 16. stavak 4. Zakona o Vladi Zeničko-dobojskog kantona – Prečišćeni tekst ("Službene novine Zeničko-dobojskog kantona", broj: 7/10), a u vezi sa člankom 45. Zakona o izvršenju Proračuna Zeničko-dobojskog kantona za 2018. godinu ("Službene novine Zeničko-dobojskog kantona", broj: 1/18), na prijedlog Kantonalne direkcije robnih rezervi, Vlada Zeničko-dobojskog kantona na 144. sjednici, održanoj 24.05.2018. godine, d o n o s i

ZAKLJUČAK

I.

Usvaja se Program utroška sredstava za realizaciju Plana robnih rezervi Zeničko-dobojskog kantona za 2018. godinu u razdjelu 25, proračunske organizacije 01, potrošačka jedinica 0001, Proračuna Zeničko-dobojskog kantona za 2018.godinu ("Službene novine Zeničko-dobojskog kantona", broj: 1/18), ekonomski kod 821 400, analitički konto 821 411, pozicija "Nabava robnih rezervi" u iznosu od 40.000,00 KM (slovima: četrdesettisuća konvertibilnih maraka) i čini sastavni dio ovog zaključka.

II.

Sredstva planirana ovim Programom utroška sredstava, realizirat će se u skladu sa Zakonom o javnim nabavkama ("Službeni glasnik Bosne i Hercegovine", br. 39/14).

III.

Za realizaciju ovog zaključka zadužuje se Kantonalna direkcija robnih rezervi Zeničko-dobojskog kantona i Ministarstvo financija Zeničko-dobojskog kantona, svatko u okviru svoje nadležnosti.

IV.

Zaključak stupa na snagu danom donošenja.

Broj: 02-_____/18.
Datum, 24.05.2018. godine
Z e n i c a

PREMIJER

Miralem Galijašević

DOSTAVLJENO:

1x Kantonalna direkcija robnih rezervi,
1x Ministarstvo financija,
1x a/a.

PROGRAM
UTROŠKA SREDSTAVA PRORAČUNA ZENIČKO-DOBOJSKOG KANTONA ZA REALIZACIJU
PLANA ROBNIH REZERVI ZA 2018. GODINU

Podaci o Programu

1. Program je usvojen: Na 144. sjednici Vlade Zeničko-dobojskog kantona održanoj 24.05.2018. godine

2. Period realizacije Programa: 2018. godina

3. Ukupna vrijednost Programa: 40.000,00 KM

4. Namjena Programa: Nabavaka i skladištenje brašna tip 500, u skladu sa odobrenim Planom robnih rezervi za 2018. godinu.

5. Korisnici Programa: Krajnji korisnici programa su socijalno ugrožene kategorije stanovništva Zeničko-dobojskog stanovništva u slučaju nastanka prirodne i druge nesreće.

6. Izvor sredstava: Proračunska sredstva u razdjelu 25, proračunske organizacije 01, potrošačka jedinica 0001, Proračuna Zeničko-dobojskog kantona za 2018. godinu ("Službene novine Zeničko-dobojskog kantona", broj: 1/18) ekonomski kod 821 400, analitički konto 821 411, pozicija "Nabava robnih rezervi" u iznosu 40.000,00 KM (slovima: četrdeset tisuća konvertibilnih maraka) i čini sastavni dio ovog zaključka.

7. Odgovorna osoba: Direktor Zoran Martinović

I UVOD

Zeničko-dobojski kanton raspolaže sa 120.051 ha poljoprivrednog zemljišta, od toga je 102.278 ha obradivo. Po kategorijama korištenja obradivo poljoprivredno zemljište u Zeničko-dobojskom kantonu dijelimo na: oranice i bašte koje zauzimaju 58.940 ha, voćnjake sa 8.893 ha, livade sa 34.445 ha i pašnjake sa 17.773 ha.

U proteklom periodu na prijedlog Ministarstva za poljoprivredu, šumarstvo i vodoprivredu Vlada je kroz Programe utroška sredstava Proračuna Zeničko-dobojskog kantona za poticaje u poljoprivredi izdvajala sredstva za poticanje otkupa poljoprivrednih proizvoda od poljoprivrednih proizvođača sa područja Zeničko-dobojskog kantona. Poticani su prerađivači i otkupljivači sa područja Zeničko-dobojskog kantona za otkup, isključivo, poljoprivrednih proizvoda proizvedenih na imanjima poljoprivrednih proizvođača sa područja Zeničko-dobojskog kantona. Cilj ovog programa je stimuliranje subjekata koji se bave otkupom poljoprivrednih proizvoda, u konkretnom slučaju merkantilne pšenice, kojim bi se kroz nabavku i skladištenje brašna za robne rezerve, stimuliralo kako proizvođače brašna tako i poljoprivrednike koji se bave uzgojem žitarica na području Zeničko-dobojskog kantona.

II IZVOR SREDSTAVA ZA REALIZACIJU PROGRAMA

Kantonalna direkcija robnih rezervi Zeničko-dobojskoga kantona ostvaruje provođenje važećeg Zakona o robnim rezervama na način da, između ostalog, Vladi Zeničko-dobojskog kantona, predlaže Plan robnih rezervi na osnovu kojeg se vrši formiranje robnih rezervi. Ovim se zadovoljavaju odredbe članka 6. i 31. Zakona o robnim rezervama Zeničko-dobojskog kantona ("Sl. novine Zeničko-dobojskog kantona" br. 13/97), a sama struktura, obim i realizacija Plana robnih rezervi, u tekućoj kalendarskoj godini, determinirana je osiguranim proračunskim sredstvima.

Proračunom Zeničko-dobojskog kantona za 2018. godinu ("Sl. novine Zeničko-dobojskog kantona", broj 1/18) ekonomski kod 821 400 - nabavka ostalih stalnih sredstava, analitički konto 821 411, pozicija "Nabava robnih rezervi" planiran je utrošak sredstava za nabavku roba u iznosu od 40.000,00 KM. Temeljem toga Kantonalna direkcija robnih rezervi je, izradila Plan robnih rezervi za 2018. godinu, koji se temelji na nabavci i skladištenju brašna tip 500, a koji će biti realiziran kroz ovaj Program.

III NAMJENA SREDSTAVA

Zakonom o robnim rezervama Zeničko-dobojskog kantona ("Sl. novine Zeničko-dobojskog kantona", br. 13/97) utvrđeno je da strukturu robnih rezervi čine:

- osnovni poljoprivredni i prehrambeni proizvodi (brašno, ulje, šećer, riža, grah, tjestenine, so, germa, konzervirano povrće, konzervirano meso, riba, mlijeko u prahu, keks i dječija hrana, kao i drugi proizvodi neophodni za preživljavanje stanovništava);
- rezerve mesa u živoj stoci;

- sirovine i reprodukcioni materijal za poljoprivredu i stočna hrana;
- sirovine i reprodukcioni materijal za industriju;
- odijevni industrijski proizvodi (odjeća, obuća, veš i slično);
- sredstva za opću i osobnu higijenu (sapun deterdžent za pranje i održavanje, pasta za zube, kreme za cipele i slično);
- nafta, naftni derivati, motorna ulja, antizamrzavajuća sredstva;
- autogume i rezervni dijelovi,
- eksplozivna sredstva za rudarstvo;
- strateški industrijski neprehrambeni proizvodi;
- ogrijevni materijal (drvo, ugalj, plin);
- lijekovi i sanitetski materijal;
- novčana sredstva.

Utrošak sredstava za nabavku roba robnih rezervi određeno je ovim Programom i Planom robnih rezervi Zeničko-dobojskog kantona za 2018.godinu. Prilikom realizacije programa, odnosno pokrenutim procesom javne nabavke temeljenom na odredbama Zakona o javnim nabavkama ("Sl. glasnik Bosne i Hercegovine", br. 39/14), jasno će se definirati uvjeti kojima će se prilikom odabira ponuđača prednost dati proizvođačima sa sjedištem i skladišnim objektima na području Zeničko-dobojskog kantona, dok će svi ostali biti isključeni.

Poljoprivredni proizvođači, odnosno uzgajivači i prerađivači žitarica na području Zeničko-dobojskog kantona, najvećim dijelom svoje proizvode i usluge koriste za vlastite potrebe ili iste plasiraju na domaćem tržištu. S tim u vezi jasno je da postoji značajan, a neiskorišten prostor prilikom formiranja robnih rezervi Zeničko-dobojskog kantona, za nabavku, otkup, odnosno skladištenje ovih proizvoda, čime bi se poticajno djelovalo kako na potencijalne uzgajivače, tako i na proizvođače - milinare. Realizacijom Plana robnih rezervi za 2018. godinu, nabavile bi se i uskladištile značajne količine brašna tip 500, (cca 70 tona), koje bi omogućile eventualnu opskrbu najugroženijih kategorija stanovništva u trenutku nastanka prirodne i druge nesreće na području Zeničko-dobojskog kantona.

Normativi potrošnje po stanovniku ovisili bi od brojnog stanja najugroženijih kategorija stanovništva, u trenutku nastanka prirodne i druge nesreće koje bi uzrokovale poremećaj snabdjevanja lokalnog stanovništva Zeničko-dobojskog kantona, a iste bi bile utvrđene putem izvještaja Kantonalne uprave civilne zaštite Zeničko-dobojskog kantona.

PREGLED PLANA UTROŠKA STALNIH SREDSTAVA ZA 2018.GODINU

r/b	Vrsta sredstava	Rok za realizaciju aktivnosti	Iznos planiranih sredstava (KM)
1.	Stalna sredstva		40.000,00 KM
1.1.	Nabavka robnih rezervi u skladu sa Planom robnih rezervi za 2018. godinu	31.12.2018.	40.000,00 KM
U k u p n o :			40.000,00 KM

IV KRITERIJI ZA UTROŠAK SREDSTAVA ZA REALIZACIJU PLANA ROBNIH REZERVU ZA 2018. GODINU

Kriteriji za utrošak sredstava za realizaciju Plana robnih rezervi za 2018 godinu, bazirat će se na minimalnim zahtjevima za kvalifikaciju ponuđača u pogledu njihove osobne sposobnosti, ekonomskog i financijskog stanja, te njihove tehničke i profesionalne sposobnosti kako je to definirano odredbama Zakona o javnim nabavkama ("Sl. glasnik Bosne i Herecegovine", br. 39/14), s tim da pravo korištenja ovih sredstava imaju ponuđači koji:

- registriranu djelatnost obavljaju na području Zeničko-dobojskog kantona
- posjeduju odgovarajući skladišni prostor na području Zeničko-dobojskog kantona,
- otkup pšenice vrše i od individualnih poljoprivrednih proizvođača sa područja Zeničko-dobojskog kantona.

V REALIZACIJA PROGRAMA

Program će se realizirati do kraja 2018. godine.

Broj: 02-_____ /18.
Datum, 24.05.2018. godine
Z e n i c a

PREMIJER

Miralem Galijašević

DOSTAVLJENO:

1 x Kantonalna direkcija robnih rezervi

1 x Ministarstvo financija

1 x a/a